

مستطابق

درسمادنده باب عالی جاده سنده
اداره مخصوصه
محل اداره:

مستطابق موافق آثار جدید مع المنوبه
قبول اولنور
درج ایدلین آثار احاده اولنور

دین ، فلسفه ، ادبیات ، حقوق و علوم دین باحث هفته لقی رساله در

مؤسسه لری : ابوالعلا زین العابدین - ح . اشرف ادیب

درسه دنده	سنه لکی	القی آیانی
ولایتده	۶۰	۳۰
مملک اجنبیه ده	۸۰	۴۰
	۸۰	۴۰

تاریخ تاسیسی :

۱۱ محرم ۱۳۲۴

درسمادنده نسخه بی ۵۰ باره در

قبیلده دن مقوا بورو ایله کوندربایر سه سنوی
۲۰ غروش فضله آلنیر

درسمادنده پوسته ایله کوندربایر سه ولایات بدلی اخذ اولنور.

عدد : ۳۲

۱۰ ربیع الاول ۱۳۲۷ پنجشنبه ۱۹ مارت ۱۳۲۵

ایکینجی جلد

باب اجتهاد مسدود میدر !

مقاله سالفه مزده سؤال معروضی بقای اجتهادک محذور تولیدینه
بادی اولیه جنی نقطه نظرندن حل ، وائسداد ادعاسنده بولونانلرک
قایلدقیری توهماتی دفع وازاله مقصدیه بویوک برذاتک محاوره سنی بسط
وایضاح ایتمشیدک .

بوکونده براهین عقلیه و عقلیه سردیه فواید بی نهایتی تأمین ایدرک
اجتهادک عالم اسلامیتده علی الدوام بقاسی امر واجب بولوندیغنی تقریر
وائبات ایده جکیز ، والله الموفق ...

اعصار اخیرده باب اجتهادک مسدودیتی ، یاخود نقدان اهلیندن
ناشی مجتهدک مفقودیتی ادعاسنده بولونانلرک قول مجردی نصل تصدیق
اولونه بیلیر ؟ حالبوکه بوتون مذاهب مدونه اسلامیه علمای کرامی
اجتهادک فروض کفایه دن بر فرض قطعی اولسنه بالاتفاق قائل
اولمشلردر .

هر عصرده شرائط اجتهادی تماماً جامع بعض ذواتک وجودی
عامة مکلفین اوزرینه فرض قلنسبه مبنی هر هسانکی بر زمان رجالی
تقصیر و تکاسل ایله اصرار حیات ایدوبده ایچلرنده ارباب نقه و اجتهاد
یتشمیه جک اولورسه جمله سی آثم وعاصی عد اولونورلر .

امام ابو حامد غزالی و ابوالحسن ماوردی و ابن الصلاح و محی الدین
نووی کبی اکابر علمانک آثارینه مراجعتله بوحقیقت پک قولای
آکلاشیلیر .

حتی ابن الصلاح مرحوم «آداب فتوی» نام اثرلرنده ائمه شافعیه نک
ظاهر افاده لری ایجاخه بوفرض کفایه مجتهد مقید ایله دکل ، بلکه

مجتهد مطلق وجودیه تأدیه اولونه بیه جکینی ده تصریح ایتمشدر .
پک چوق اعظم ایسه عالم اسلامیتک مجتهددن خالی قلنسبی عقلا ده
مستحیل عد ایتمشلر و دیمشلردرکه : اکر برزمانک مجتهددن محرومیتی
فرض اولونسه اوزمان برزمان فترت صایلمق و او حالده شریعت جلیله
منقرض و تکلیف زائل و حجة الله ساقط اولمق لازم کلیر . بو استحاله
عقلیه نک ثبوتی افاده ایدن ذواتک کیملردن عبارت اولوب
هانکی تألیفلرنده تصریح ایتمش اولدقیرنی رساله مستقوله سنده
جلال الدین سیوطی بیان بیورمشلردرکه ایچلرنده استاذ ابواسحق
اسفرائینی و امام غزالی و امام الحرمین حضراتی ایله ائمه مالکیه دن
قاضی عبدالوهاب و حنفیه دن صاحب البدیع ابن الساعاتی کبی فحول علما
داخلدر .

برده «۶۰۶» تاریخ هجریسنده ارتحال ایدن امام فخرالدین
رازی محصولک اجماع مبشده دیمشدرکه : «اگر بر عصرده - العیاذ
بالله - مجتهدیندن یالکیز برذات بولونه جق اولسنه اونک قولی اجماع
مقامنه قائم اوله رق حجت قطعییه عد اولونمق لازمدر» . سراج الدین
مرحوم ده «تحصیل» نام اثرنده امام رازی به موافقت ایتمشدرکه مشار الیه مانک
بوکلاملرنده کندی زمانلرنده مجتهدین کرامک کثرتله موجودیتی
مستفاد اولمقددر . بونی مؤید اولمق اوزره ینه جلال سیوطی (رح)
نقل ایدیورکه تبریزی رحمه الله «تقیح المحصول» کتابنده شویله
دیمشدر : «اهل اجماعده حد تواتره بلوغ شرط دکدر . بناء علیه
بالفرض بر عصرده مجتهدین کسب ندرت ایله اوچ فرددن عبارت قالسدر
اونلرک اجماعیه ده حجت شرعیه اولور . حتی منحصرأ بر فردک موجودیتی
فرض اولونسه اونک قولی اجماع مرتبه سنده طو تولور . چونکه

وحدت اسلامی و اشتلاف عثمانی نهیه متوقف ایسه ایوجه دوشونورلر ، مصالحو زمانیه اوفق اولان اقوال و آرائی ترجیح خصوصیه همت ایدرلرده هرکس شرع شریفک شهاحت و علویته حیران قالیر ، منقاد اولور .

زمانزده مجتهد یوقدر دییه رک بی نهیه مسائل خارج شریعت بر اقلیمق روامیدر ؛ باب اجتهادک قرن رابع و یا خامس حدودنده انسدادینی ادعا ایدنلرک سوزی محض تقول ، معناسر تحکم اولمسنده ذره قدر اشتباه اولونماملیدر . بوکا دلالت ایدمک نه دلیل عقلی بولونه بیلیر ، نه دلیل نقلی .

مرتبه اجتهاده وصولی جهله مسلم بولونان بیکلرجه ذوات اعصار اخیرده ظهور ایتمش ، فقط اجتهادلری علی الاکثر مذاهب اربعه نیک برینه موافق دوشمش اولغله آنلره منتسب عد اولونمشلردر . مثلاً ائمه شافعیه دن معدود عزالدین بن عبدالسلام و ابن دقیق العید « رحمهما » ک رتبه اجتهادی حائز بولندقلری اصلاً جای اشتباه دکلدر . [۲] حالوکه اول قرن سابع رجالدن ایدی ، ثانی ده « ۷۰۸ » تاریخنده ، مبداء نامنده ارتحال ایتمشدر . مناسرتی اسماعیل مرقی

نجائب قرآنیہ

سورۃ یس ، آیت - ۵۵، ۵۶، ۵۷، ۵۸

« ان اصحاب الجنة اليوم في شغل فاكهون . هم وازواجهم في ظلال على الارائك متكثون . لهم فيها فاكهة ولهم ما يدعون . سلام قولاً من رب رحيم »

[جناب حق آیت سابقه ده ، روز حشرده هیچ بر فردده هیچ بر وجه ایله ظلم اولماز دیه ندا اولنه جفنی و کفریه خطاباً دخی سزک بوکون کوردیککز جزا دنیاده ایکن مدام ایشله دیککز کفر و معاصی نک جزا سیدر دینله جکفی حکایه بیوردقدن صکره بو آیات کریمه ده دخی کندیلرینک حسرت و ندامت لری تزیید ایتک اوزره اوکون اهل ایمان حقنده رایکان اولان صنوف عواطف و انعاماته دائر کفریه قارشو سویلنه جک سوزی حکایه ایدیور و بوجه ایله حضرت رب کریم خشود اولدینی عبادینه نشئه اخراده حاضر و آماده قلدینی الطاف و عنایاتی بزم شوخاک سافله ادراک ایدمیله جکمز بر صورتده تصویر ایدوب بیورورکه] سکان جنت بوکون ذوق و صفایه طامش ، [نعيم جتدن] نواله چین لذت و سرور اولیورلر . انلر و [دار دنیاده کی] زوجهلری کولکه لرده [اشجار لطیفه نک سایهلری التده] مزین تحت و سریرلر اوزرینه اتکا ایدیورلر . اوراده انلر ایچون هر نوع فاکه

[۲] حق ائمه مالکیه دن مشهور « ابن عرفة » رح دیورمش که مصر مزده ابن عبدالسلامک رأی منضم اولمازجه اجماع منمقد اوله ماز . اجماع ایسه مجتهدینک اتفاق دیکدر .

بووجهله تفرد ایدمک بر مجتهدک بوتون امت مقامنه قائم اولمسی مقتضای نصوصدر .

الحاصل هر زمانده آزه چوق ملکه اجتهاده مالک ذوات بولونور ، بولونملری موافق حکمت و مصلحت کورولور . علمای دینک بومرتبه بی احراز ایچون صرف مساعی ایتملری وظائف مهمه لرندندر . زیرا کتاب و سنت ایله قیاس و اجماع امتدن عبارت ادله شرعییه تمسک وجوبنه دال اولان دلائل عقایه و نقلیه نک مقتضای عمومی بولونان حکمک بعض اعصار و اشخاصه تخصیص ایدلسی قطعاً صحیح اوله ماز . بو حکمدن یالکزر عاجزلر خارج قالیر . اوت ، دلیل شرعییه تمسک ایله استنباطه قادر اوله میان کیمسه بالضروره اهلنه مراجعت و تقلیده مجبور اولور ، بومراجعت و تقلیدی ده قاعده مقرریه توفیقاً بقدرالضروره تقدیر اولونور . زیاده اولورسه معصیت عد ایدیلیر .

تمهیدات معروضه منر ایله واضحاً آکلاشیلور که اجتهاد اوزر مزده فرض دائم و الی قیام الساعه برحق قائمدر . امت احمدیه هیچ بر عصرده بوشرف و سعادتدن محروم قالیه جفته بو حدیث شریفده شهادت ایتکده در : « لا تزال طائفة من امتی ظاهرين على الحق حتى ياتيهم امر الله » قال المنادی ای غالبین و منصورین و هم جیوش الاسلام و العلماء [۱]

محمد بن عبدالکریم شهرستانی رحمه الله ده « ملل و نحل » کتابنده شویله دیورلر : « نصوص شرعییه متناهییه ، وقایع ایسه غیر متناهی اولدینندن ، حالوکه متناهی اولان شی نامتناهی اولانی ضابط اولمیه جفتدن اجتهاد و قیاسک واجب الاعتبار و قطعی الدوام اولمسی اقتضا ایدرکه هر حادثه اوزرینه اجتهاد بولونسون ، امت اسلامییه تأمین سلامت ایله سون . [مجلس معوثانده کی انجمن مخصوص تنسیبی اوزره تشکل ایدمک ایستبار اولونان محله جمعیت جلیله سی ان شاه زمان قریبده تشکل ایدرده بوسایه ده امتک بوتون ترددلری زائل اولور ، هر مشکملری حل اولونور . زیرا توارد ایدن اختلافات حالی اوزره قالمقده ، احتیاجات کوندن کونه تزیید ایتکده در . بوکون بیلنمسی اشد لزوم ایله لازمیک چوق مسائل جواب سزطور ویور . معاملات عمومییه توسع ایتدکجه حادثات چوغالیور . ارباب تورع آرزو ایتدیک منافعدن محروم قالیور . مثلاً سالان دیشک تیشکی ایچون آلتون و یا کوموش تلر ایله باغلانمسی جائز اولدینی حالده چور وین بردیشی طول دور مق و یا قیلاقمق مجبوریتنی حس ایدنلر فنواخانه یه مراجعتله بر جواب آله میورلر . مع هذا ، قیاساً بونک ده جوازی خاطر لره کلکده در .

اک کزیده فقها منر دعوت ایدیلهرک اجتماع ایدمک اولورلرسه هم مجله بی توسیعاً شرح ، هم لزوم کورولن دهانه قدر مسائل وار ایسه بالتدقیق علاوه ایدرلر ، ربایه ، سیغورطیه و سائر مه دائر اختلافاتی آرادن قالدیرلر ، بوتون مساعدات شرعییه بولوب اوزرته قویارلر ،

[۱] هر احتمال کوره بو حدیث شریفده کی ظهور و غلبه تبشیری ده بقای اجتهاده دلیل اوله بیلیر . چونکه دین اسلامک دوام ظهوری بقای اجتهاده منوط اولدینی ، یوقازیده ابضاح اولوندی .